



Broj: 14-14-15059-5/17
Datum: 09.01.2018. godine

Na osnovu člana 70. i člana 25. Zakona o javnim nabavkama («Službeni glasnik BiH», broj: 39/14) i Zapisnika o pregledu i ocjeni ponuda, broj: 14-14-15059-4/17 od 08.01.2018.godine, u postupku javne nabavke „Pružanje usluga kolektivnog osiguranja uposlenika Zeničko-dobojskog kantona“, direktor Službe za zajedničke poslove Zeničko-dobojskog kantona, donosi:

ODLUKU
o izboru najpovoljnijeg ponuđača

1. Ugovor za „Pružanje usluga kolektivnog osiguranja uposlenika Zeničko-dobojskog kantona“ na period do dvije godine, dodjeljuje se ponuđaču „Sarajevo osiguranje, dd Sarajevo, Pod. Zenica, Trg BiH 5, 72000 Zenica, kao najbolje ocijenjenom ponuđaču. Premija osiguranja po jednom uposleniku iznosi 1,60 KM, ukupna premija osiguranja za period do dvije godine iznosi 330.662,40 KM.
2. Ponuđač kojem se dodjeljuje ugovor dužan je dostaviti dokumente iz člana 45. i 46. navedene u tački 3.1 i 3.2. tenderske dokumentacije u roku od 5 (pet) dana od prijema Odluke o izboru najpovoljnijeg ponuđača. Dokumenti moraju biti dostavljeni na način definisan u tački 4.2. tenderske dokumentacije.
3. Nakon pravosnažnosti ove Odluke, izabranom ponuđaču iz tačke 1. ove Odluke dostavit će se prijedlog ugovora o pružanju usluga. U skladu sa tačkom 8.6 tenderske dokumentacije ponuđač je dužan dostaviti Garanciju za uredno izvršenje ugovora.
4. Ova odluka objavit će se na web-stranici <http://www.zdk.ba/> istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.
5. Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.
6. Za realizaciju ove Odluke zadužuje se Služba za zajedničke poslove.

O b r a z l o ž e n j e

Služba za zajedničke poslove je na osnovu Odluke o pokretanju postupka javne nabavke broj: 14-14-15059/17 od 06.11.2017.godine, pokrenula postupak javne nabavke.

Javna nabavka je provedena po otvorenom postupku u skladu sa članom 25. Zakona o javnim nabavkama. Procijenjena vrijednost nabavke je 340.995,60 KM bez PDV-a.

Ugovorni organ je objavio obaviještenje na portalu javnih nabavki broj: 771-1-2-30-3-24/17 dana 21.11.2017. godine i u „Službenom glasniku BiH“ broj 85 dana 01.12.2017.godine.

Komisija za provođenje postupka javne nabavke, koja je imenovana Rješenjem broj: 14-14-15059-1/17 od 03.01.2018.godine, blagovremeno je izvršila javno otvaranje ponuda, te pregled i ocjenu ponuda i zapisnikom od 04.01.2018.godine, konstatovala da je u predviđenom roku dostavljeno šest ponuda: Sarajevo osiguranje, Podružnica Zenica, ASA osiguranje dd Sarajevo, Uniqa osiguranje dd Sarajevo, Wiener osiguranje ad Zenica, Triglav osiguranje Podružnica Zenica i BSO osiguranje dd Zenica.

Nakon pregleda i ocjene ponuda naprijed navedenih ponuđača, Komisija je u zapisniku od 08.01.2018.godine konstatovala da dvije ponude nisu prihvatljive, Wiener osiguranje ad Zenica i BSO osiguranje dd Zenica. Ponuđač „Wiener osiguranje“ a.d. Zenica nije kvalifikovan iz razloga jer nije dostavio jedan primjerak ponude u kopiji, što je u suprotnosti sa tačkom 4.2 tenderske dokumentacije, te se ponuda ponuđača „Wiener osiguranje“ a.d. Zenica odbacuje na osnovu člana 68. stav (4) tačka i) Zakona o javnim nabavkama (Sl. Glasnik BiH broj: 39/14) i člana 8. stav (8) Uputstva za pripremu modela tenderske dokumentacije i ponuda (Sl. Glasnik BiH broj: 90/14 i 20/15), ponuda nije potpuna i ne ispunjava zahtjeve iz tenderske dokumentacije. Ponuđač „BSO osiguranje“ d.d. Zenica nije kvalifikovan iz razloga jer nije dostavio Garanciju za ponudu (Ozbiljnost ponude), a što je u suprotnosti sa tačkom 4.1 pod h) i tačkom 4.10 tenderske dokumentacije. Ponuda ponuđača „BSO osiguranje“ d.d. Zenica se odbacuje na osnovu člana 68. stav (4) tačka b) Zakona o javnim nabavkama (Sl. Glasnik BiH broj: 39/14) i člana 9. stav (2) pod b) Uputstva za pripremu modela tenderske dokumentacije i ponuda (Sl. Glasnik BiH broj: 90/14 i 20/15), ponuda nije potpuna i ne ispunjava zahtjeve iz tenderske dokumentacije.

Komisija za javnu nabavku je shodno kriteriju „ekonomski najpovoljnija ponuda“ izvršila rangiranje ponuda kako slijedi:

- | | | | |
|----|---|-------------|---|
| 1. | Sarajevo osiguranje, Pod. Zenica, ukupan broj bodova..... | 92,71, rang | 1 |
| 2. | ASA osiguranje dd Sarajevo, ukupan broj bodova..... | 84,34 rang | 2 |
| 3. | Uniqa osiguranje dd Sarajevo, ukupan broj bodova..... | 69,95 rang | 3 |
| 4. | Triglav osiguranje, Pod. Zenica, ukupan broj bodova..... | 65,02 rang | 4 |

U skladu sa naprijed navedenim, Komisija je dala preporuku ugovornom organu za donošenje odluke o izboru ponuđača „Sarajevo osiguranje, Pod. Zenica“, kao najpovoljnijeg ponuđača za predmetnu nabavku.


U postupku donošenja ove odluke postupljeno je u skladu sa kriterijima iz tenderske dokumentacije. Naime, u postupku je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Na osnovu navedenog, donesena je odluka kao i dispozitivu.

Pouka o pravnom lijeku

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostavljeno: 1x Ponuđači
1x a/a



DIREKTOR

Čazim Karalić